

Nde nga be fonvo sran mun'n, ɔ nin nde nga be nin sran'm be nanti klanman'n .

Matie, nin Marki, nin Liki, ɔ nin Zan mɔ be klɛli jasin fɛ'n i nun nde nnan'n, be klɛli nde nga Zezi kannin be waka'n su'n, be kwlaa be nun nso. Atrekpa'n, i nsan su'n ye ɔ kan sran awlɛn kpa'n niɔn, ye ɔ yo sran'm be fɛ kpa tra ninngɛ kwlaa nga e le be Kalvari lɔ'n niɔn. ɔ ti sa ng'ɔ juli'n, mɔ Zezi niannin i nin'n, m'ɔ seli kɛ "Bla, nian ɔ Wa'n," kpɛkun ɔ seli Zan m'ɔ klo i sɔnnzɔnfue'n kɛ, "nian ɔ nin'n." I sɔ'n ti fɔnvɔlɛ nin nanwlɛ dile'n i su nde klanman kpa kun m'ɔ kan sran awlɛn'n niɔn.

"Kɛ sonja'm be boboli Zezi waka'n su'n, be fali i tralɛ'n be cɛcɛli nun nnan, be tinuntinun be jannin kun, kpɛkun tralɛ ng'ɔ o i bo lɔ'n, ɔ ka lɛ. Tralɛ sɔ'n, ɔ leman nzɔliɛ, ɔ ti nzɔliɛ like kunngba cɛ, ɔ fin nglo lɔ lele ɔ fa ju i bo lɔ. Be seli be wiengu kɛ: 'Nán maan e titi i.' I sɔ'n yoli naan nde nga be klɛli'n w'a kpɛn su kɛ: 'Be cɛcɛli min tralɛ'm be nun, kpɛkun be fali min tralɛ'n be toli be wun nzɔliɛ.' I sɔ'n ti'n, sonja'm be yoli i nin'n, ɔ nin i nin'n i niaan bla'n, ɔ nin Mari m'ɔ ti Magdala'n, be jinjin lɛ. Kɛ ɔ fɛ i lɛ'n, i sɔnnzɔnfue'n fɛli i ɔli i awlo lɔ." (Zan 19:23-27).

Sonja nnan mɔ be boboli Zezi waka'n su'n, be kpɛli i tralɛ'n nun akpasua nnan. Sannge naan y'a wun wafa nga sa nga be su yo'n be ti'n i wlɛ'n, maan e sa e sin kan laa sa'm be nun naan e nian Zuifu'm be tralɛ'm be su nzueɛn wie mun, ɔ nin Rɔmfue'm be nzueɛn wie mɔ be fa bo sran'n i waka'n su'n.

Titi'n, Zuifu bian kun wla tralɛ nnun. I klikli nun'n, ɔ le ti tralɛ kun, atrekpa'n, ɔ le trɔ annzɛ tralɛ wafa wie. A dun mmua wunnin wafa nga sran nga be o Extrême-Orient nin Moyen-Orient lɔ'n be wla be ti'n, naan be ti'n w'a fiteman be jrun'n, naan w'a tranman lika kun'n, i foto mun amun televizion nun laa. ɔ ti lã ti tralɛ kun mɔ be wla i afue ya kpanngban kpa'n niɔn.

Sannge Zuifu bian'n ɔ wlá ngbabua wafa wie, kpɛ sunman'n, ɔ ti kplo ngbabua. Tralɛ nsan su'n ye le tralɛ tinnin kun, kpɛ sunman'n, i ti su'n ti tɛtɛ, wie liɛ'n, ɔ ti tikewa mlɔnmlɔn annzɛ ɔ ti tɛtɛ i bue'm be su. ɔ jrannin lele ɔ juli be ja'm be wun koko lɛ, ye ɔ ti tralɛ m'ɔ ti mlanmlanmlan'n.

Tralɛ'n i nnan su'n ye le i ngblaliɛ'n annzɛ i ngblaliɛ'n kɛ nga é fá flé i'n sa. ɔ ti tannin ufle, annzɛ wie liɛ'n, ɔ ti kplo kun mɔ be fa cici i ja'n su'n. I sɔ'n yoli maan tralɛ ng'ɔ ti tinnin m'ɔ su sin'n, w'a tumɛn i wun ngbɛn, sannge ɔ yoli maan ɔ kwla jrannin. I agualɛ su'n, Zuifu bian kun wlali tralɛ ng'ɔ o i bo lɔ'n. Zezi liɛ'n, be fali tannin kunngba cɛ be tɛtɛli i nglo lɔ lele be juli i bo lɔ.

Ƙe be fa yo trale sɔ́n, bla kun ye ɔ́ yo ɔ́, kpekun ke i wa'n ko yo kpenngben'n, mɔ́ i bɔ́bɔ́ ko yo kpenngben'n, ye ɔ́ fa men i ɔ́. Atrekpa'n, i sɔ́ ye Mali yoli mannin Zezi ɔ́. Sien'n, maan amun wla kpen su afin ɔ́ wá wú nde'n nun cen kunngba ce.

Rɔmunfue'm be kusu be le waka'n su kpele'n i su nzuɛn wie mun. Rɔmu sonja nnun ye be fa be sie be waka'n su titi ɔ́. Be mannin sran nnan be junman ke be fa pɔɔtablu'n be fa jran sakpa naan be fa waka'n be sie i lika kun. Sannge ke waka'n jrannin'n, m'ɔ́ jrannin'n, be yoli ke sonja'm be lika nianle sua kun m'ɔ́ le bue nnan'n sa. Se sa te wie o le'n, nn be ye be o le naan b'a sasa sran ng'ɔ́ tɔli tukpace'n ke m'ɔ́ o waka'n su naan ɔ́ wú yale'n ti'n.

Sonja ng'ɔ́ nian sonja nnan onga'm be su'n, yele sonja ya su kpen'n. ɔ́ niannin sran'm be waka'n su. Mmlusue nga sonja nnan sɔ́m be jennin i'n, i kun yele ke trale kwlaa nga sran nga be yoli i sa te'n, ɔ́ kwla wla cen sɔ́n nun'n, be kwla cecɛ nun. I sɔ́ ye be su yo Zezi i trale'n su ke ɔ́ jrannin le ngben'n, mɔ́ jannzuɛn kunnin i'n nɔɔn. Be su to ngowa i trale'n i ti.

Afe'n yele ke atrekpa'n, Zezi le trale nnun sannge sonja nnan ce ye ɔ́ le ɔ́. ɔ́ yo ke sonja kpenngben'n w'a femɛn i wun wlemɛn i junman sɔ́n nun sa. I sɔ́n ti'n, kun feli i ti trale'n, kun feli i ngbabua'n, kun feli i trale dan'n, ye kun feli i ngblalie'n. ?Sannge wan ye ɔ́ nán trale nnun su'n, mɔ́ yele trale ng'ɔ́ o i bo lɔ́n nɔɔn? ?Wafa se ye be fa ajale-ɔ́? Zan se e ke, ke ɔ́ ko yo naan y'a wun sran nnan sɔ́m be nun onin ye ɔ́ nán trale ng'ɔ́ o i bo lɔ́n, annze ɔ́ fá trɔ́ annze ɔ́ fá sika kó'n. E kwla se ke be su to nzɔlie like naan bé nían be nun kun m'ɔ́ fá trale'n i bo lɔ́ sakpa'n. Atrekpa'n, b'a siman sannge Zan se e ke, nde kun mɔ́ Davidi kannin m'ɔ́ o Jue Mun 22:18 nun'n, ɔ́ su kpen su sakpa.

ɔ́ maan, ke mɔ́ e si wafa nga Zuifu yasua'm be wla trale'n i su nzuɛn'n, mɔ́ e si Rɔmu sonja'm be nzuɛn'n i su nde wie mun ke bé bó be sran nga be kunnin be'n be waka'n su'n ti'n, maan e sa e sin sien'n naan y'a nian se ɔ́ ti su kan o.

Se nán sonja nga be boboli i waka'n su'n, ɔ́ nin sran kpanngban mɔ́ be su sro i mɔ́ be su kpan kle i'n, nn sran ufle'm be o le wie. Se ɔ́ ti sɔ́n, I sɔ́nnzɔnfue nga be yacili i'n, be nun kun seli i sin. Zan nin Mali nin bla nsan ekun be o le. ɔ́ fata ke like te kan kun o le mɔ́ bla nnan sɔ́m be o le be nin Zezi be o waka'n i wun le ɔ́. Afin, ke mɔ́ be bu sran kun ke ɔ́ ti sa te yofue mɔ́ Rɔmu lɔ́ awa'n bu i ke ɔ́ nin waka'n su'n be fata'n ti'n, ɔ́ yo sran wafa nga atrekpa'n, sre m'ɔ́ kun wɔ́ ke sa wie kwla tɔ́ ɔ́ su'n ti'n, a kunndɛman ke á trán i wun le'n. ?Afin, nán i sɔ́n ti ye Zezi i sɔ́nnzɔnfue onga'm be kwlaa be wanndili ɔ́? ?Ƙe Zezi cennin nguan'n, m'ɔ́ ɔ́li janmien su lɔ́n bɔ́bɔ́'n, akoto'm be kwlaa be yiali Zerizalemu lɔ́ sua'n i nglo lɔ́ lika'n nun lɔ́, sre kunnin be ke bé fite bɔ́bɔ́, afin sre kunnin be ke atrekpa'n, sa kunngba'n kwla tɔ́ be su?

Sanngɛ wa'n, bla sɔ'm be klole nin be wun mɔ be fa mannin Zezi Klist'n ti ye be o le ɔ, nanwle, sa te ng'ɔ kwla tɔ be su'n, ɔ timan be cinnjin dan. ?Wan mun ye le bla nsan sɔ mun ekun? Be nun kun ye le Klopasi i yi Mali. Sien'n, e siman sran ng'ɔ ti'n, saan ke ɔ ti Klopasi i yi'n. E lemen i su nde ufle fi, sanngɛ ɔ ti be nga be kloli Zezi'n be nun kun.

Matie waan bla ufle kun ye le Zebede nin Zaki nin Zan be mma'm be nin. ke nga Marki Salome nin Zan m'ɔ ti Zezi i nin'n i niaan bla'n be fa kannin'n sa. ɔ maan, Zaki nin Zan be ti Zezi i osu klikli. ?Amun wla te kpen Salome i su nde wie su, like kun m'ɔ dun mmua yoli i Zezi i jasin fe'n bole nun'n? I ye ɔ bali Zezi wun lɔ ɔ seli i ke: "Min Min, ke á fá ɔ famien diwle'n síe'n, n kunnde ke a man min mma Zaki nin Zan famien bia mun ɔ sa fama su, kun ɔ sa be su." Nde nga Zezi teli su'n, ɔ ti klole su fonle afin sran'm be bobo be wun akunndan bule wafa sɔ'n, ɔ timan wafa nga famien diwle'n fata ke ɔ yo'n. I kpa bobo'n, Salome siman sa kekleekle nga bé wá jú'n, ɔ nin sika nga cen wie lele'n, i sɔnnzɔnfue'm bé fá túa'n.

Bla nsan su'n ye le Mali m'ɔ fin Magadala'n, bla nga Zezi fuannin mmusu tete mun i nun'n. Like nga Zezi yoli'n, ɔ yoli i fe dan ti'n, i wla kwlá fiman su le. Ke sa te wie o waka'n su'n, w'a yomen i cinnjin kpa. ɔ kloli i Min'n, ye like nga Zezi yoli mennin i'n, ɔ kwlá yacimen i silé le. ɔ maan, ɔ o le sakpa waka'n i bo lɔ.

Sanngɛ bla kun ekun o le mɔ be fle i, sakpa'n, be dun mmua bo i dunman kannze bobo e su kan i nde kasien'n. I nin Mali ye ɔ o le ɔ. Kannze bobo Mari o le lele'n, sanngɛ ɔ .**etibe** yili i nglo kleli e, ɔ nin trale ng'ɔ o e bo lɔ'n mɔ e kanngannin nun w'a ce'n. Nian nde mma'n nun ekun naan ke be ko kan trale ng'ɔ o i bo lɔ'n i nde'n, á wún i wle; ɔ ti ble sɔ'n nun mɔ be su to i trale'n i bo'n, ye Zezi i sin'n, ɔ nin i nin be kokoli yale ɔ. Ke é sé ye'n, ke sonja'm be kannin trale sɔ'n, be kannin like kun m'ɔ mantan i nin i nin'n be awlen'n kpa'n, m'ɔ ti i cinnjin kpa'n, afin atrekpa'n, i ye ɔ yoli trale sɔ'n mannin Zezi ɔ. I sɔ'n ti'n, ke bé bó trale sɔ'n i su ngowa'n, ɔ kpe i wun naan ɔ kan nde kle i nin m'ɔ klo i kpa'n, ɔ boman e nuan.

Atrekpa'n, ble sɔ nun'n, Mali w'a kwlá wunman sa kwlaa nga be o le'n be wle. N siman ke ɔ ti sɔ. Sanngɛ ɔ kwla kloli i; afin, i wa'n ye ɔ o le ɔ—i wa klikli'n ye ɔ o le ɔ. ?Men wunmuan'n nun'n, like kun o le m'ɔ ti ke manmi klole sa ɔ? N bumen i ke ɔ o le. ?Ke Mali jran waka'n i bo le'n, m'ɔ wún i wa'n, m'ɔ su wu'n, m'ɔ su tu i mmoja'n, m'ɔ su wun jrennen'n, m'ɔ su kunnde ke á fé i wunmien'n kwlaa'n, sa ng'ɔ tɔli i su'n, amun kwla bu i akunndan? I ye Nanmien wawe'n wunnzeli i mɔ anzi'n seli ke bé flé i Nanmien i Wa'n nɔn. A kwla bu i ke sran fi su kunndeman ke á jrán naan á nían sɔ, sanngɛ i nin'n ye ɔ o le ɔ, ye i wa'n ye ɔ o le ɔ. ɔ fata ke ɔ tran le, ɔ ti men'n nun like kpafue'n ke ɔ tran le'n, ɔ yo i ya ke nga ɔ fa yoli'n sa. Zezi kwla yo sa te yofue mmla'n i jrun, Zezi te yo i wa.

Ninngɛ kwlaa nga Mali wunnin be'n, nin ndɛ kwlaa ng'ɔ tili'n, ɔ nin sa kwlaa nga be juli i su lele m'ɔ fá jú yɛ'n, amun bu be akunndan be nian. ?Kɛ Zezi jannin cɛn ba mɔcɛ'ɛn, amun wla te kpɛn su kɛ ɔ nin Zozɛfu be fali Zezi bakan'n be ɔli Nanmien sua'n nun lɔ? Be su wa fɛ i be mɛn i, yɛ i klɛn wlalɛ blɛ'n w'a ju. Be fɛli i ɔli Nanmien sua'n nun lɔ lika nga Simeɔn, Nanmien sufue kpɛnngbɛn ngwlɛɛfue kun mɔ Wawɛ'n tali nda kɛ "Simeɔn, a su wuman lele naan w'a wun Mesi'n." Kɛ Simeɔn wunnin Zezi'n, ɔ wunnin i wlɛ kɛ nda nga be tali'n, w'a kpɛn su. Nanmien i Wa'n niɔn. "Kɛ ɔ yoli sɔ'n, Simeɔn yrali be su, ɔ seli i nin Mari kɛ: 'Ba sɔ'n, ɔ yó maan Izraelifue kpanngban bé tɔ́, bé jáso, yɛ ɔ yó nzɔliɛ like mɔ sran kpanngban bé kán ndɛ tɛ'n, naan akunndan nga sran kpanngban be bu'n, w'a yi i nglo.

?Kɛ Zezi jannin cɛn ba mɔcɛ'ɛn, mɔ Mali seli i kɛ: "Kpɛkun nnɛn kpanngɔ'n ɔ fá kó ɔ wawɛ'n nun wie'n," a bu i kɛ ndɛ nga Simeɔn su kan'n, ɔ si i wlɛ kpa?" N simɛn i akplowa kpa. Sanngɛ ɔ trannin nguan nun lele ɔ wunnin kɛ srɛ m'ɔ kunnin i kpa'n, ɔ kpɛnnin su. ɔ trannin nguan nun lele ɔ wunnin kɛ i wa m'ɔ bali kɛ ɔ fá i nguan'n mán sran kwlaa t'i'n, be fali trɔ be wlɛli i bue kun nun. Mari trannin nguan nun lele ɔ fa juli cɛn nga bé fá pɔɔtablu bé fé i sa nun'n. ɔ trannin nguan nun lele ɔ wunnin cɛn nga bé fá oviovi famiɛn kle sɔ'n bé jrán i prun'n. ɔ trannin nguan nun lele ɔ wunnin cɛn nga ɔ wú'n. ?Kɛ ɔ ko yo naan Mali w'a fɛ i wun w'a wlɛ i Nanmien klun sa'n nun'n, ɔ yoli i sika dan? Kɛ ɔ jrán waka'n i bo lɛ'n, m'ɔ nían Zezi i wie'n, sa fanunfanun kwlaa nga ɔ fata kɛ be sin i akunndan'n nun'n, amun bu be akunndan be nian. Siɛn'n, blɛ nga Nanmien i ajalɛ kasien'n ɔ kpɛn su i wa kpɛnngbɛn'n i lika'n, w'a ju. Zezi wá yó martiri yɛ ɔ wú mɛn wunmuan'n i sa tɛ'm be ti.

Maan e sie Mali i su ndɛ kun ekun i nzɔliɛ. Sɛ e yo sɔ'n, ɔ su yoman kekle. ɔ se kɛ Mali jinjin lɛ. ɔ jrannin. ɔ w'a tɔman, w'a tɔman. I gua su lɔ'n, ɔ te yo bla kunngba nga ɔ ti wɛtɛɛfue'n, m'ɔ nin anzi'n be yoli i like afue kɔɛ 30 yɛ'n. ɔ seli anzi sɔ'n kɛ: "N ti e Min'n i junman difue bla, maan ɔ yo min kɛ nga a fa kannin'n sa," Mari te kle wunmien sɔ'n. ɔ maan cɛn sɔ'n nun'n, ɔ wluli i wa'n i prɛnnɛn dan'n nun yɛ ɔ nɔnnin nzan'n lele ɔ juli nzɔliɛ like'm be su.

ɔ fata kɛ sran sɔ'm be kwlaa nga be tili Zezi i kpanlɛ'n kɛ: "Min Nanmien, min Nanmien, ngue ti yɛ a yacili min'n?" Nanwlɛ, ndɛ sɔ'n yoli i ya dan kpa; Sanngɛ w'a kpɛman sran fi awlɛn'n nun kɛ ng'ɔ kpɛli Mali liɛ'n sa kun. ɔ jrannin lɛ, kpɛkun ɔ tili ndɛ sɔ'n. Awlabɔɛ'n w'a kanman sran awlɛn kɛ nga e wun i Mali i mɛn dilɛ'n nun'n sa lɛ. ?Sanngɛ i prɛnnɛn dan'n kwlaa nun bɔbɔ'n, wan ndɛ yɛ ɔ lo i ɔ? ?I nin'n i ndɛ lo i? Kɛ ɔ wunnin kɛ bla'n nin Zan be jinjin i wun lɛ'n, ɔ seli i nin'n kɛ: "Min kpa," kɛ nga Famiɛn Zaki fa kannin'n sa'n, ɔ seli kɛ: "Nian ɔ wa'n, ɔ wa'n yɛ." Siɛn'n, nanwlɛ, wafa nga Zezi kan kleli i nin Zan'n, yɛle kɛ Zan yɛ ɔ fá Mali i lika siɛn'n niɔn. Zezi i asiɛ'n su wa mɛn dilɛ'n su wa wie yɛ ɔ fata kɛ sran kun niɛn i lika. Kannzɛ bɔbɔ ɔ le wunmien'n, sanngɛ ɔ fata kɛ be suɛn i bo. Zan yɛ Zezi lafilɛ i su kɛ ɔ suɛn i bo sɔ-ɔ.

Atrɛkpa'n, ɔ ti kɛ ndɛ ngbɛn sa, sanngɛ i awlobofuɛ'm be nun sran fi nunman lɛ naan w'a ukɛ i. ? Nguɛ ti yɛ ɔ fata kɛ Zezi fɛ i ɔ junman'n wla Zan sa nun-ɔn? Kɛ ɛ sɛ yɛ'n, Zozɛfu m'ɔ ti i wun'n w'a wu. E siman ndɛ sɔ'n i kpa, sanngɛ kɛ Zezi jannin afuɛ 12, e boman Zozɛfu i dunman'n i su ndɛ fi. ɔ maan atrɛkpa'n, Mali ti angbeti. Zezi w'a kwlá flɛmɛn i niaan'm be nun wie fi kɛ ɔ bla i nin'n i lika nianlɛ afin kannzɛ bɔbɔ ɔ lafili i su'n, sanngɛ Zan se e kɛ i niaan'm be nun wie fi nin a lafiman su kɛ ɔ ti Klist. Kɛ ɛ sɛ yɛ'n, be nun wie fi nunman lɛ, be o lɛ w'a cɛ kpa. Atrɛkpa'n, b'a ɔman lɔ bɔbɔ mlɔnmlɔn. ɔ maan, ɔ niannin Zan m'ɔ ti i janvuɛ kpa'n, kpɛkun ɔ seli kɛ: "Zan, nian bla nga lika, ɔ ti ɔ nin."

Biblu'n se e kɛ i ɔnnzɔnfuɛ'm be kwlaa be yacili Zezi. Sanngɛ Zan o waka'n i wun lɛ, ɔ jin waka'n i bo lɔ kpa. ?Wan yɛ ɔ si lika nga sran 11 annzɛ sran 10 onga'm be o'n nion? Zida kunnin i wun, sran 10 nga be ka lɛ'n be fiali lika kun, sanngɛ Zan o lɛ sakpa, ɔ nin Zezi be nantili klanman. Zezi si kɛ ɔ kwla lafi Zan su. ɔ maan kɛ Zan jrannin Mari m'ɔ ti Zezi i nin'n i wun lɛ'n, Zezi seli Zan kɛ: "Zan, n si kɛ n kwla lafi ɔ su. A nin min be nanti klanman, yɛ á yó min nin'n i nanwlɛ kɛ a fa yoli min'n sa. N kunndɛ kɛ a nien i lika." Nanwlɛ, ndɛ sɔ'n yoli Zan i mo dan. ɔ fataman kɛ be mɛn i sua'n i ti su sua'n i ngunmin; ɔ kle kɛ ɔ fata kɛ ɔ fɛ i junman'n. I kasien su nga be kan Mali i ndɛ Aengue uflɛ nun'n, yɛle Sa Nga Be Yoli'n fluwa'n nun'n, kɛ ɔ o i ɔnnzɔnfuɛ uflɛ nga be su minndɛ Wawɛ'n i like ng'ɔ man'n be jrun lɛ'n, sanngɛ Biblu'n se e kɛ ɔ nin Zan be o lɛ. ɔ maan, lafile nga Zezi lafili i su'n, Zan su nanti su.

ɔ ti ndɛ m'ɔ le wunmien kpa ɔ; ɔ ti ndɛ'n i buɛ kun sa ngbɛn, ndɛ nso'm be nun kunngba cɛ yɛ ɔ o lɛ ɔ. Apanbeun ninngɛ kpanngban kpa be o Zezi Klist i wie'n i su ndɛ sɔ'n nun. Sanngɛ maan e mian e jin e fa ndɛ sɔ'n e di junman kpɛ kan nsan:

Kun.**Be nga be kwlá yoman like'n, be yo be ye** . Sɛ Zan i mɛn dilɛ'n nun'n, like kun o lɛ m'ɔ kunndɛ kɛ ɔ sá i sin naan w'a kwla nunnun i'n, nn blɛ sɔ'n yɛle blɛ ng'ɔ kusu kɛ sran onga'm be kwlaa sa'n, ɔ yacili Zezi'n, sanngɛ w'a kwlá nunnunmɛn i sɔ'n.

?ɔ yoman amun fɛ kɛ kɛ Zan fɔnnin sɔ'n, e Min'n w'a seman kɛ "ɔ ti kpa Zan, a fali ɔ tu'n, sanngɛ a sacili, tran ase sa ngbɛn. A o gua su lɔ." I aklunye'n yoli Zan i liɛ trali su yɛ ɔ sɔli Zan nun ekun, kpɛkun ɔ feli i nin'n i lika nianlɛ junman sɔ'n bɔbɔ mɛnnin i. Sran mun, kɛ amun tɔ'n—nán kɛ amun tɔ'n, sanngɛ kɛ amun tɔ'n mɔ e kwlaa e yo'n, mɔ e kwlaa e yo'n — amun sa amun sin Zezi wun kɛ Zan sa afin e Min'n ti e Min m'ɔ ti aklunyefuɛ'n, m'ɔ sɔ e nun ekun'n, m'ɔ fá e k'ɔ'n.

N'jon.**Nzue'n ti tɛtɛ tra mmoja'n** . Sien'n, e kwlaa e tili ndɛ laa sɔ'n: "Moja'n ti tɛtɛ tra nzue," Zezi nun'n "Nzue'n ti tɛtɛ tra mmoja." Ndɛ nga n su kunndɛ kɛ ɔ kán'n yɛle kɛ batɛmun yolɛ nzue'n nun yɛ sran kun nin Zezi Klist i mmoja'n be san nun ɔn. Kɛ e di e sa tɛ'm be nanwlɛ'n, mɔ e kle kɛ e lafi Zezi Klist su'n, mɔ be sie e nzue nun batɛmun nun naan be yaci e sa tɛ'm be cɛ e'n, be fa e fite, be cɛn e nguan, nzue sɔ'n nun e jan nguan uflɛ, yɛle like mɔ be yili'n. E kaci Klistfuɛ. E kaci aniaan .

ɔ nin be wiengu nin e Min Zezi Klist be niaan bla mun. Kε be wu e nzue'n nun'n, e afien'n yo kpa tra e ɔɔɔ e mmoja'n ɔɔɔ. E mɔ Zezi Klist i mmoja'n nun'n, e wunnzinnin e batɛmun nzue'n nun'n, e si kε blε sunman nun'n, nzue'n ti mlanmlanmlan tra mmoja'n.

3. **Nán maan e tra flεε nga be flε e kε e jin yi e si nin e nin mun le .** .Pɔlu kleli i kε: "Ba mun, amun fa amun si nin amun nin be nde'n su e Min'n i dunman nun, afin ɔ ti su kε amun jin yi amun si nin amun nin, i ɔ'n ti mmla klikli nga be tali nda'n, naan amun liε w'a yo ye, naan amun a jan nguan tennden asie'n su wa." (Efezfue Mun 6:1- 3) Kε Zezi wá wú ɔɔɔ'n, ɔ jin yili i nin m'ɔ klo i kpa'n, kpekun ɔ yili i ayε. Kannzε sa'm be ti sε e su'n, annzε be ti sε e si nin e nin'm be su'n, sanngε e yoman kpenngben dan le, e yoman sran m'ɔ si like kpa'n le, yε e traman flεε nga be flε e kε e jin yi e si nin e nin'n. Zezi, kε ɔ wú ɔɔɔ'n, ɔ yi ndε nanwlε ɔ'n i nglo. 1253 Steve Flatt Mars 10, 1996